

Na osnovu člana 19. stav 2. Zakona o Vladi Federacije Bosne i Hercegovine („Službene novine Federacije BiH“, br. 1/94, 8/95, 58/02, 19/03, 2/06 i 8/06), Vlada Federacije Bosne i Hercegovine, na 16. sjednici održanoj 24.08.2011. godine, donosi

ODLUKU O RASPISIVANJU JAVNOG POZIVA

I

U cilju sagledavanja stanja po pitanju registrovanog radnog staža u Federaciji Bosne i Hercegovine za koji nije uplaćen doprinos za penzijsko i invalidsko osiguranje i po tom osnovu sagledavanja potrebnih sredstava za uplatu istih, Vlada Federacije Bosne i Hercegovine će raspisati javni poziv.

II

Javnim pozivom iz tačke I ove odluke pozvat će se sva pravna lica u Federaciji Bosne i Hercegovine, bez obzira na oblik organizovanja i vlasničku strukturu, kao i osobe kojima nije uplaćen doprinos za penzijsko i invalidsko osiguranje, a pravni subjekt kod koga su bili zaposleni više ne postoji, da na obrascima koji će biti sastavni dio Javnog poziva, dostave podatke o registrovanom radnom stažu za koji nije uplaćen doprinos za penzijsko i invalidsko osiguranje zaključno sa 31.12.2010. godine.

III

Podaci i materijalni efekti koji se prikupe po završetku Javnog poziva iz tačke I ove odluke poslužit će kao dokumentaciona osnova za zakonsko uređivanje materije dospjelih, a nenaplaćenih doprinosa za penzijsko i invalidsko osiguranje.

IV

Podatke o registrovanom radnom stažu za koji nije uplaćen doprinos za penzijsko i invalidsko osiguranje zaključno sa 31.12.2010. godine, prikupljati, provjeravati i obrađivati će Federalni zavod za penzijsko i invalidsko osiguranje.

U roku od 3 mjeseca od dana zatvaranje Javnog poziva Federalni zavod za penzijsko i invalidsko osiguranje sačinit će analizu dobivenih podataka i materijalnih efekata i po tom osnovu procjenu broja budućih korisnika, a koju će dostaviti Vladi Federacije Bosne i Hercegovine.

V

Tekst Javnog poziva objavit će se na službenoj web stranici Vlade Federacije Bosne i Hercegovine, „Službenim novinama Federacije BiH“ i u najmanje dva dnevna lista u Federaciji Bosne i Hercegovine.

VI

Ova Odluka stupa na snagu narednog dana od dana objavljivanja u „Službenim novinama Federacije BiH“.

V broj: _____/11

_____2011. godine

Sarajevo

PREMIJER

Nermin Nikšić